

## বিসিএস ফরমপূরনের নিয়মাবলী

### বিসিএস পরীক্ষা :

বিসিএস উত্তীর্ণ হয়ে একটি ক্যাডার পাওয়া মানেই বাকি জীবনটা সুন্দর এবং অর্থনৈতিক নিরাপত্তা নিশ্চিত করা। বিসিএস উত্তীর্ণ হওয়া খুব সহজসাধ্য কাজ নয়। অনেকদিন আগে থেকেই সে অনুযায়ী ধীরে ধীরে প্রস্তুত করতে হয় নিজেকে। অনেককে দেখা যায় গ্র্যাজুয়েশন বা পোস্ট গ্র্যাজুয়েশন শেষ করে মোটা সাইজের একটা বিসিএস গাইড ও সঙ্গে আরও কিছু বই নিয়ে টেবিলে বসেন। কেউ কেউ এর জন্য কোচিংও করেন, তাতে ভালো ফলাফল পেয়ে যান অনেকে। তবে এটা যথার্থ প্রস্তুতি নয়। প্রস্তুতি নিতে হয় ধীরে সুস্থে, নিজেকে তৈরি করতে হয় বুঝে শুনে। কারণ প্রিলিমিনারি ও লিখিত পরীক্ষার পুলসিরাত পার করে মৌখিক পরীক্ষায় অবতীর্ণ হতে হয়। তখন যে কোন দিক থেকে কি প্রশ্ন করা হয় তা প্রশ্ন হওয়ার পূর্ব মুহূর্তেও বুঝা দায়। প্রস্তুতি হওয়া উচিত কংক্রিটের মতো শক্ত। তাই বিসিএস প্রত্যাশীদের অনার্স দ্বিতীয় বর্ষ থেকে বিসিএস এর প্রস্তুতি নেয়া ভালো। আমাদের আলোচনার বিষয় বিসিএস অবতীর্ণ হওয়ার নানা প্রস্তুতি এবং কৌশল। এই মুহূর্তে কেউ ৩৮-তম প্রিলিমিনারির প্রস্তুতি নিচ্ছেন আবার ৩৭তম প্রিলি উত্তীর্ণরা লিখিতের জন্য প্রস্তুতি নিচ্ছেন। বিসিএস পরীক্ষায় নানা ধাপ পার করতে হয়। আবেদনপত্র নির্ভুলভাবে পূরণ করে অনলাইনে জমা দেয়ার মাধ্যমে বিসিএস এর প্রথম ধাপ প্রিলিমিনারি পরীক্ষা আরম্ভ হয়।

### আবেদনের প্রাথমিক শর্তাবলি:

#### শিক্ষাগত যোগ্যতা:

১. বিসিএস পরীক্ষায় প্রার্থী উচ্চমাধ্যমিক সার্টিফিকেট (এইচএসসি) পর মাস্টার্স ডিগ্রি অথবা ৪ বছরের স্নাতক ডিগ্রি থাকতে হবে। যে বা যারা একাধিক তৃতীয় বিভাগ পেয়েছেন এই প্রতিযোগিতামূলক পরীক্ষা থেকে অযোগ্য বলে গণ্য হবেন।

২. আবেদনপত্রে উল্লিখিত ক্যাডার পদের জন্য কোন প্রার্থীও বিসিএস পরীক্ষার বিজ্ঞাপনে উল্লিখিত শিক্ষাগত যোগ্যতা না থাকিলে তিনি পরীক্ষায় অংশগ্রহণ করিতে পারিবেন না।

৩. যদি কোন প্রার্থী কোন স্বীকৃত বিশ্ববিদ্যালয়ের এমন কোন পরীক্ষায় অবতীর্ণ হইয়া থাকেন যাতে চাহিদাকৃত শ্রেণি বা বিভাগসহ পাস করিলে তিনি বিসিএস পরীক্ষা দেয়ার যোগ্যতা অর্জন করিবেন, তাহলে তিনি বিসিএস পরীক্ষায় অংশগ্রহণের জন্য আবেদন করিতে পারিবেন। তবে শর্ত থাকে যে, এইরূপ ক্ষেত্রে বিসিএস পরীক্ষার আবেদনপত্র জমাদানের শেষ তারিখের মধ্যে তার সকল লিখিত পরীক্ষা সম্পন্ন হইবার প্রমাণপত্র আবেদনের সহিত সংযুক্ত করিতে হইবে।

৪. উপ-বিধি (২) এ উল্লিখিত আবেদনপত্র সাময়িকভাবে গ্রহণ করা হইবে এবং এরূপ ক্ষেত্রে সংশ্লিষ্ট প্রার্থীকে অবতীর্ণ প্রার্থী হিসাবে বিবেচনা করা হইবে।

৫. অবতীর্ণ প্রার্থীকে তার মৌখিক পরীক্ষার নির্ধারিত তারিখের পূর্বে যথাশীঘ্র সম্ভব বিশ্ববিদ্যালয় হতে অর্জিত প্রয়োজনীয় শিক্ষাগত যোগ্যতা অর্জনের মূল অথবা সাময়িক সনদ কমিশনে দাখিল করিতে হইবে।

৫. এই বিধির অধীন আবেদনকারী প্রার্থীকে পরীক্ষায় অংশগ্রহণের জন্য তাহার আবেদনপত্রের সহিত উক্তরূপ শিক্ষাগত পরীক্ষায় অংশগ্রহণের প্রমাণস্বরূপ উক্ত পরীক্ষার প্রবেশপত্র এবং বিশ্ববিদ্যালয় কর্তৃপক্ষ কর্তৃক প্রদত্ত পরীক্ষা শুরু ও শেষ হইবার তারিখ সংবলিত প্রত্যয়নপত্র অবশ্যই জমা প্রদান করিতে হইবে।

#### বয়সসীমা:

১. কমিশন কর্তৃক যে মাসে বিসিএস পরীক্ষার বিজ্ঞাপন জারি করা হইবে উক্ত মাসের প্রথম তারিখে কোন প্রার্থীর বয়স ২১ (একুশ) বছরে নিম্নে বা ৩০ (ত্রিশ) বছরের উর্ধ্বে হইলে তিনি উক্ত পরীক্ষায় অংশগ্রহণের জন্য যোগ্য বলিয়া বিবেচিত হইবেন না।

২. উপ-বিধি (১) এ উল্লিখিত বয়সসীমা নিম্নে বর্ণিত ক্ষেত্রে শিথিলযোগ্য হইবে, যথা :

(ক) মুক্তিযোদ্ধা বা শহীদ মুক্তিযোদ্ধাগণের পুত্র বা কন্যা, প্রতিবন্ধী প্রার্থী এবং বিসিএস (স্বাস্থ্য) ক্যাডারের প্রার্থীদের সর্বোচ্চ বয়সসীমা হইবে ৩২ (বত্রিশ) বছর;

(খ) মুক্তিযোদ্ধা বা শহীদ মুক্তিযোদ্ধা, মহিলা এবং অনগ্রসর নাগরিক প্রার্থীর জন্য সরকার কর্তৃক সময় সময় সরকারি গেজেটে বিজ্ঞপ্তির মাধ্যমে নির্ধারিত বয়সসীমা।

৩. বিসিএস (সাধারণ শিক্ষা), বিসিএস (কারিগরি শিক্ষা) এবং বিসিএস (স্বাস্থ্য) ক্যাডার পদের ক্ষেত্রে উপজাতীয় প্রার্থীর সর্বোচ্চ বয়সসীমা ৩২ (বত্রিশ) বছর পর্যন্ত শিথিলযোগ্য হইবে এবং অবশিষ্ট সকল ক্যাডারের ক্ষেত্রে উপজাতীয় প্রার্থীদের সর্বোচ্চ বয়সসীমা হইবে ৩০ বছর।

৪. উপ-বিধি (১) এবং (২) এ উল্লিখিত বয়সসীমা বিশেষ অবস্থায় সরকার কর্তৃক সময় সময় শিথিলযোগ্য হইবে।

(১৮৪৩২ বাংলাদেশ গেজেট, অতিরিক্ত, সেপ্টেম্বর ১৮, ২০১৪)

৫. এসএসসি বা সমমানের সনদে উল্লিখিত জন্ম তারিখ অথবা কমিশন কর্তৃক স্বীকৃত অন্য কোন যথাযথ কর্তৃপক্ষ কর্তৃক একজন প্রার্থীর নামে ইস্যুকৃত সনদে উল্লিখিত জন্ম তারিখ বয়স প্রমাণের দলিল হিসাবে গণ্য হইবে এবং 'ও' লেভেল ও 'এ' লেভেল উত্তীর্ণ প্রার্থীদের ক্ষেত্রে সনদপত্রে উল্লিখিত জন্মতারিখ দালিলিক প্রমাণ হিসাবে গণ্য হইবে।

৬. বয়স প্রমাণের জন্য হলফনামা (Affidavit) গ্রহণযোগ্য হইবে না।

### নাগরিকত্ব:

১. বাংলাদেশের নাগরিক নহেন এমন কোন প্রার্থী পরীক্ষায় অংশগ্রহণের জন্য যোগ্য বলিয়া বিবেচিত হইবেন না।
২. সরকারের পূর্বানুমতি ব্যতিরেকে কোন প্রার্থী কোন বিদেশী নাগরিককে বিবাহ করিয়া থাকিলে বা বিবাহ করিতে প্রতিজ্ঞাবদ্ধ হইয়া থাকিলে তিনি পরীক্ষায় অংশগ্রহণের যোগ্য বলিয়া বিবেচিত হইবেন না।

### মিথ্যা তথ্য প্রদান ও অসদুপায় অবলম্বনের শাস্তি:

১. কোন প্রার্থী আবেদনপত্রে জ্ঞাতসারে কোন ভুল বা মিথ্যা তথ্য প্রদান করিলে বা প্রয়োজনীয় তথ্য গোপন করিলে বা টেম্পারিং করিলে বা কোন জাল সার্টিফিকেট দাখিল করিলে বা বয়স ও শিক্ষাগত যোগ্যতা সংক্রান্ত সার্টিফিকেটের কোন অংশ বা প্রবেশপত্র টেম্পারিং বা পরিবর্তন করিলে বা পরীক্ষার হলে মোবাইল ফোন বা কোন ধরনের ইলেকট্রনিক যোগাযোগ যন্ত্রসহ প্রবেশ এবং উক্ত প্রযুক্তির মাধ্যমে অসদুপায়ের আশ্রয় গ্রহণ করিলে বা পরীক্ষা হলে কোনরূপ দুর্ব্যবহার করিলে বা অসদুপায় অবলম্বন করিলে বা প্রতারণার আশ্রয় নিলে তাকে উক্ত পরীক্ষাসহ কমিশন কর্তৃক অনুষ্ঠায় পরবর্তী যে কোন পরীক্ষার জন্য অযোগ্য ঘোষণা করা যাইবে।

২. উপ-বিধি (১) এ উল্লিখিত ব্যবস্থার অতিরিক্ত হিসাবে ক্ষেত্রবিশেষ সংশ্লিষ্ট প্রার্থীকে ফৌজদারি আইনে সোপর্দ করা যাইবে এবং উক্ত প্রার্থীকে সার্ভিসে নিয়োগের পর এইরূপ কোন তথ্য প্রকাশ ও উহা প্রমাণিত হইলে তাকে চাকরি হইতে বরখাস্তকরণ ছাড়াও তাহার বিরুদ্ধে আইনানুগ যে কোন উপযুক্ত ব্যবস্থা গ্রহণ করা যাইবে।

### প্রার্থী নির্বাচন:

কৃতকার্য প্রার্থীদের মধ্য হইতে কমিশন উপযুক্ত প্রার্থী নির্বাচন করিবে এবং সার্ভিস বা ক্যাডার পদে নিয়োগের জন্য যোগ্য প্রার্থীদের নাম সরকারের নিকট সুপারিশ করিবে।

### যেভাবে বিসিএস ফরম পূরণ করা যাবে:

প্রার্থীকে TeletalkBd Ltd. (<http://bpsc.teletalk.com.bd>) অথবা বাংলাদেশ সরকারী কর্ম কমিশনের [www.bpsc.gov.bd](http://www.bpsc.gov.bd) আবেদনপত্র পূরণ করে online Registration কার্যক্রম ও ফি জমাদান সম্পন্ন করতে হবে।

ক্যাডার চয়েস এর উপর ভিত্তি application Form করে ৩টি ক্যাটাগরি রয়েছে যেমন :

১. Application form for general cadre,
২. Application form for technical /proffessional cadre,
৩. Application form for general and Technical/ professional (Both) cadre.

### পরীক্ষার ফি প্রদান :

Online-এ আবেদনপত্র (BPSC Form-) যথাযথভাবে পূরণপূর্বক নির্দেশনা মতে ছবি এবং Signature Upload করে প্রার্থী কর্তৃক আবেদনপত্র Submission সম্পন্ন হলে কম্পিউটারে ছবিসহ Application

Preview কপি দেখা যাবে। নির্ভুলভাবে আবেদনপত্র Submit করা সম্পন্ন হলে প্রার্থী একটি User ID সহ ছবি এবং স্বাক্ষরযুক্ত একটি Applicants Copy পাবেন। Preview এবং Applicants Copy-তে প্রার্থীর ছবি ও স্বাক্ষর অবশ্যই দৃশ্যমান হতে হবে। উক্ত Applicants Copy প্রার্থীকে প্রিন্ট অথবা Download করে সংরক্ষণ করতে হবে। Applicants কপিতে একটি User ID নম্বর দেয়া থাকবে এবং এই User ID নম্বর ব্যবহার করে Teletalk Bangladesh Ltd. কর্তৃক SMS এর মাধ্যমে প্রদত্ত নির্দেশনা অনুসারে প্রার্থী নিম্নোক্ত পদ্ধতিতে যে কোনো Teletalk Pre-paid Mobile নম্বরের মাধ্যমে SMS করে বিসিএস পরীক্ষার ফি ৭০০ (সাতশত) টাকা (প্রতিবন্ধী এবং উপজাতীয়দের জন্য ১০০/- একশত টাকা) জমা দিবেন এবং Admit Card Download করে প্রিন্ট করতে পারবেন :

#### প্রথম SMS:

Example : BCS <space>User ID লিখে send করুন ১৬২২২ নম্বরে।

Reply : Applicants Name, Tk-700 (100 Tk. for Physically Handicapped and Tribal Candidates) will be Charged as Application Fee. Your PIN is (8 digit number) 12345678. To Pay Fee, type BCS <Space>Yes<Space>PIN and send to 16222.

#### দ্বিতীয় SMS:

Example : BCS <space>Yes<Space>PIN লিখে send করুন ১৬২২২ নম্বরে।

Reply : Congratulations! Applicants Name, payment completed successfully for BCS Examination. User ID is (xxxxxxx) and Password (xxxxxxx).

**N.B.** : For Lost Password, Please Type BCS<Space>HELP<Space>SSC Board <Space> SSC Roll<Space>SSC Year and send to 16222.

#### ছবি (Photo) :

BPSC Form-1 এর Part-1, Part-2 এবং Part-3 সাফল্যজনকভাবে পূরণ সম্পন্ন হলে Application Preview দেখা যাবে। Preview এর নির্ধারিত স্থানে প্রার্থীকে (দৈর্ঘ্য প্রস্থ) 300 \* 300 Pixel এর কম বা বেশি নয় এবং File Size 100 KB এর বেশি গ্রহণযোগ্য নয়, এরূপ মাপের অনধিক তিন মাস পূর্বে তোলা নিজের রঙিন ছবি Scan করে Upload করতে হবে। সাদাকালো ছবি গ্রহণযোগ্য হবে না। Applicants Copy-তে ছবি মুদ্রিত না হলে আবেদনপত্র বাতিল হবে। সানগ্লাসসহ ছবি গ্রহণযোগ্য হবে না।

**N.B.** Home Page-এর Help Menu-তে ক্লিক করলে Photo এবং Signature সম্পর্কে বিস্তারিত নির্দেশনা পাওয়া যাবে।

**স্বাক্ষর (Signature) :**

Application Preview তে স্বাক্ষরের জন্য নির্ধারিত স্থানে (দৈর্ঘ্য প্রস্থ) 300 \* 80 Pixel এর কম বা বেশি নয় এবং File Size 60 KB এর বেশি গ্রহণযোগ্য নয়, প্রার্থীকে এরূপ মাপের নিজের স্বাক্ষর Scan করে Upload করতে হবে। Applicants Copy-তে স্বাক্ষর উল্লিখিত।

N.B. নির্দেশনা অনুযায়ী মুদ্রিত না হলে আবেদনপত্র বাতিল বলে গণ্য হবে।

**প্রবেশপত্র (Admit Card):**

উপরের নির্দেশনা অনুসারে পরীক্ষার নির্ধারিত ফি জমা হলে টেলিটক হতে প্রেরিত উত্তরে প্রদত্ত একটি User ID এবং Password ব্যবহার করে প্রার্থী তার প্রার্থিত কেন্দ্রের নিম্নোক্ত রেজি: নম্বরের রেঞ্জ হতে কম্পিউটারের মাধ্যমে স্বয়ংক্রিয়ভাবে প্রাপ্ত রেজি: নম্বর সংবলিত Admit Card Download করে নিতে পারবেন।